



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo Et Capitvlo Elenensi.

**urn:nbn:de:hbz:466:1-20020**

idem officium restituere procuretis, illum quem iamdictas litteras constituerit procurasse secundum constitutionem prefatam appellatione postposita punituri. Quod si non ambo, alter vestrum &c. Datum ut supra.

## EPISCOPO ET CAPITVLO ELENENSI.

Ep. 24.  
Ne contradi-  
cione pre-  
valent ad eum  
pollici multi-  
tudo.

**A**D nostram noveritis audientiam pervenisse quod hujusmodi consuetudo in vestra Ecclesia inolevit, quod si vos pro tractandis ipsius negotiis aliquando convenire contingat, licet omnibus Canonorum institutio vel negotij aliquuj certa deliberatio & communis, utilis videatur, & revera nitatur consilio saniori, si tamen displiceat uni soli ratione aliqua non suffulto, sed ducto potius motu propria voluntatis, totum illud evacuari asseritur, quantumcumque sit utile vel honestum quod ab aliis singulis comprobatur. Quia verò hæc animi pernicioſa libertas, quæ per consuetudinem verbi dicitur approbata, sacris canonibus penitus inimica, apostolico debet moderamine coerceri, discretioni vestre per apostolica scripta præcipiendo mandamus quatinus ei de cerero nullatenus innentes, ad communis juris observantiam redeatis. Datum Viterbij IV. Nonas Iulij, anno decimo.

## CLAROMONTENSI ET NIVERNENSI

Episcopū.

Ep. 25.  
Committitur  
ei causa Epis-  
copi Aniciensis  
adversus cives  
fina.

**E**X parte dilectorum filiorum Aniciensium civium nostris est auribus intimatum quod licet à pia rec. Lucio Papa prædecessore nostro bo. me. . . Aniciensi Episcopo fuerit sub officij poena præceptum ne legitima viduarum matrimonia impediret, aur pro eis contrahendis seu decedentium lepulturis pecuniam exigeret contra canonicas sanctiones, vel à suis subditis extorqueri aut exigi patetur, venerabilis frater noster. . . Successor ipsius non solum hujusmodi postmodum attentavit, verum etiam dictos cives in iis & aliis molestando, excommunicationis & interdicti sententias jaculari præcipitanter in ipsos pro voluntate sua sine causa rationabili non formidat. Unde nos eidem Episcopo sub interminacione canonicae penæ dedimus in præceptis ut quæ per ipsum vel Clericos suos ab eisdem civibus contra iustitiam sunt extorta restituens & restitu faciens, ut tenetur, de cerero ab hujusmodi sic abstineat quod justam dese querelam non oporteat

iterari; propter quod manum nostram in ipsum gravare meritò deberemus; dictos quoque cives aut eorum nuntios non impediatur nec faciat impediri quod minus eundo & redeundo causam suam securè ac liberè prosecuantur. Nos enim memoratis civibus per scripta nostra præcipiendo mandamus ut eidem reverentiam & obedientiam tam debitam quam devoutam impendant, & laudabilem consuetudinem haecenus observatam ex pia devotione parentum erga sepulturas carorum diligenter observent, ne forsan ex fermento pravitatis hæreticæ illam corrumpere vi deantur sub praetextu canonicae puritatis. Ideoque fraternitati vestra per apostolicā scripta mandamus quatinus ab Episcopo & civibus antedictis, monitione præmissa, per censuram ecclesiasticam facias appellazione remota præceptum nostrum inviolabiliter observari. Datum Viterbij Nonis Iulij, anno decimo.

## POTESTATI ET CIVIBVS

Florentinis.

**S**I diligenter attenditis quod providus pater sàpe servum à filio, sàpe vero filium à servo facit propter offendit utriuslibet vapulare, gaudio quod nuper de Senensis victoria conceperis non poteritis non miscere timorem, nescientes utrum eos Dominus coram vobis propter vestram humiliari jussitiam, an quia per ministerium vestrum illis apponere voluerit disciplinam, cum in uno formidabile videatur quod Assur virga furoris Domini afflixerit Dei populum; quanquam in altero securitas colligatur ex eo quod David in funda prostravit Philistæum. Licet autem Dominus fortis & potens, Dominus potens in prælio, qui superbis resistit, humilibus autem dat gratiam, vobis in ipsorum conflictu astutissime credatur, triumphi tamen accepti gloriam viribus vestris non debetis ascribere, sed alienis peccatis potius imputare, non excedendo modum in facto, ne forsan ei similes videamini cui contra populum furoris sui, secundum Prophetam, mandaturum se dicit Dominus ut auferat spolia & dividat prædam, & quasi lutum platearum in conculcatione ponat eundem. Ipse autem non sic arbitrabitur, sed ad conterendum erit cor ejus, & ad intercessionem gentium non paucarum. Cum ergo discordia ranta causa in grande rerum dispendium grave damnum corporum, & immane periculum animatum redundare

Ep. 26.  
Exhortatur ad  
pacem & con-  
cordiam.